




Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a **Creative Commons Attribution-NonCommercial
3.0 Unported** (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

20532

1886

2 010

2002

ԿԱՆՈՆՔ

ԱՇԽԱՏԱՆԻ ՈՒՍԵՆՈՂՈՒՄ


ՄԵՐԱՐԱՆԷ

ՄԱՅՐ ԱԹՈՌՈՅ Ս. ԷԶՄԻԱՆԻ

ՎԱՐՎԱՐՇԱՊԱՏ

ԻՂԻՎ ԷԶՄԻԱՆԻ

1886



845

1-47



~~370~~

~~370-44~~ **ԿԱՆՈՆՔ**

370 ԸՇԿԵՐՏԱՅ ԵՒ ՈՒՍԵՆՈՂԱՅ

2007-44 ՃԵՄԱՔԱՆԻՔ

ՄԱՅՐ ԱԹՈՌՈՑ ՍՐԲՈՑ ԷԶՄԱՇՆԻ

1004
15237

— 0 —

ՀՐԵՐԱՆՈՒ
Տ. Տ. ՄԱԿԱՐԱՅ
ԿԵԶԱՓԱԳ ԵՒ ՍՐԲԱԶՆԱԳՈՑՆ
ԿԱԹՈՒՂԻԿՈՍԻ
ՔՄԵՆԱՅՆ ՀԱՅՈՑ.

1. Յաշակերտելոցն պահանջի անպայման հնաղանդութիւն հրամանաց և կարգադրութեանց Տեսչի և այլոց պաշտօնէից, նաև անվթար պահպանութիւն ամենայն կանոնաց սահմանելոց վասն ինքեանց:

2. Աշակերտեալք պարտին ամենայն ճշտութեամբ պահպանել զկանոնս պարկեշտութեան ի վարս, ի խօսս և ի գրութիւնս իւրեանց:

3. Աշակերտեալք թէ ի յաճախեն յեկեղեցի, թէ ի ժամ առաւօտեան և երեկոյեան աղօթից և թէ յամենայն դէպս, յորժամ խմբին ի սրահի կամ ի հանդիսարանի, պարտին պահպանել լռութիւն:

4. Ամենայն աշակերտեալք առանց զանցառութեան զոյգ զոյգ պարտին գնալ յեկեղեցի ի կիւրակամուտս, ի կիւրակէս, ի նախատօնակս և յառաւօտու տօն աւուրց և ի ժամ Ս. Պատարագի, և կանգնելով ի նշանակեալ տեղոջ, երկիւղածութեամբ ունկնդիր լինելոց են բովանդակ ժամասացութեան: Մինչ ցաւարտ ժամասացութեան ոչ դր ունի իրաւունս արտաքս ելանելոյ, բաց ի կարեոր և ի ստիպողական հանգամանաց, և այն ևս լինելոց է գիտութեամբ և թոյլտուութեամբ օրապահ վերակացուի:

5. Որք երգեցիկքն են, ըստ կարգա-

դրութեան ուսուցչի երգեցողութեան պարտին ասել փոխ և առնել դպրութիւն:

6. Ի լուր աւուրս՝ վասն սպասաւորութեան եկեղեցւոյ, ըստ կարգադրութեան ուսուցչի երգեցողութեան՝ նշանակին հերթակալք յամենայն աշակերտելոց և ոչ դր ունի իրաւունս զանց առնել զայսու պարտաւորութեամբ:

7. Աշակերտեալք ամենայն խոստովանին և հաղորդին երիցս ի տարւոջ, այն է՝ ի տօնի Աստուածայայտնութեան, ի տօնի Զատիկի և ի տօնի Վերափոխման Ս. Աստուածածնի:

8. Աշակերտեալք պարտին պահել զանձինս և զհանդերձս իւրեանց յոյժ մաքուր՝ զի մի երեւեցին աղտեղութիւնք ի նոսա, և ոչ հանդերձք և կօշիկք նոցա բնաւ պատառոտեալ: Հերբ փոքրեալք և եղնգունք պարտին լինել յարգարեալք միշտ:

9. Աշակերտեալք պարտին մաքուր և անվնաս պահել զդասական պիտոյս իւրեանց և զգրեան, զորս ստացեալ են ի մատենադարանէ վասն ընթերցանութեան և յաւարտ ընթերցանութեան ընդ փոյթ վերադարձուցանելոց են ի մատենադարանն՝ ըստ առանձին կանոնաց նորին:

Ծանօթութիւն. Ընդ մէն մի կորուսեալ կամ անպիտանացեալ գրենոյ և կամ այլ ուսումնական պիտոյից աշակերտեալք պարտին տուժել:

10. Զամենայն հարկաւոր հանդերձեղէնս և զայլ ուսումնական պիտոյս ստանան աշակերտեալք ի ճեմարանէ. ուստի և խստիւ արգելեալ է նոցա առանձին առ իւրեանս պահել հանդերձ, գլխարկ կամ գրեան և ի կիր արկանել զնոսա, առանց գիտութեան և թոյլտուութեան Տեսչի:

11. Առանց թոյլտուութեան Տեսչի

աշակերտելոց արգելեալ է նոյնպէս ազանել վերարկու և շրջել ի ճեմարանի, զոր ի կիր արկանելոց են միայն ի գնալն յեկեղեցի, ի սեղանատուն և ի ժամանակս հանդիսից:

12. Միայն ի կիրակէ և ի տօն աւուրս թոյլատրի աշակերտելոց նամակագիրս լինել առ ծնողս, առ խնամակալս և առ աղգականս:

Ծանօթութիւն. Վասն առաքման նամակաց աշակերտելոց ի նամակատուն և ստանալոյ անտի կարգի առանձին դր:

13. Ի տես և յայցելութիւն ծնողաց և բարեկամաց, միայն ի տօն և ի կիրակէ աւուրս զինի Ս. պատարագի թոյլատրի աշակերտելոց գնալ և մնալ առ նոսա մինչ ցերեկոյ առ այս սահմանեալ տոմսակաւ, ուսանողաց՝ ընդ միշտ, իսկ աշակերտաց՝ յամսօջ երկու անգամ: Իսկ ի դարձին թէ ուսանողք և թէ աշա-

կերտք պարտին զտոմսակս իւրեանց ան-
կորուստ յանձնել Հերթակալ վերակացուի
այնր աւուր:

Ծանօթութիւնք:

Ա. Ի մեծի պահս և առ հասարակ ի
պահոց աւուրս արգելեալ է աշակերտելոց
այցելութեան աղագաւ գնալ առ ծնողս:

Բ. Ծնողք և աղգականք առ ի տանե-
լոյ ի տուն զաշակերտս պարտին ինքեանք
իսկ անձամբ հայցել հրաման և ինքեանք
իսկ ածել զնոսա ի տանէ ի ճեմարան:
Իսկ զուսանողս՝ առանց գիտութեան
ծնողաց մարթ է թողուլ ի տուն:

Գ. Աշակերտաց՝ որք իմերձակայ գիւ-
ղօրէից իցեն, արգելեալ է գնալ ի տե-
տութիւն ծնողաց կամ աղգականաց ա-
ռանց առանձին թոյլտուութեան Տեսչի:

Դ. Աշակերտելոց, որք արձակեալք են
ի տուն, խոսիւ արգելեալ է միայնակ
շրջել ի փողոցի, ի շուկայս կամ այլուր:

առ ո եղեալ է երթ նոցա, պարտին ընդ
նոսա միայն զբօսնուլ:

Ե. Զառաջինն՝ զրկին աշակերտեալք ի
հետեալ նուագի գնալ ի տուն, եթէ
յորոշեալ ժամանակի չեն վերադարձեալ
ի ճեմարան. իսկ ի կրկնելն՝ իսպառ զրկին
յայդպիսի իրաւանց:

Զ. Ի տեսութիւն աշակերտելոց ծնողք
և աղգականք ունին իրաւունս գալ ի ճե-
մարան միայն ի տօն աւուրս և խօսիլ
ընդ նոսա առանձին ի Տեսչէն ի յատ-
կացեալ սենեկի: Ընդ այլում աշա-
կերտի խօսիլ առ վանդակաւ արգելեալ է
իսպառ:

14. Արգելեալ է աշակերտելոց կրել
ի մատին մատանի կամ զարդ ինչ, կամ
ի գործ արկանել ձեռնաւորայտ:

Ծանօթութիւնք. Աւսանողաց միայն թոյ-
լատրի ի կիր արկանել ժամացոյց:

15. Զգրամս իւրեանց աշակերտեալք

պարտին աւանդել այնմ, զոր նշանակէ Տեսուչն. որ ի ստանալն, թէ զորքանութիւն գումարին և թէ զանուն աւանդող անձին արձանագրելոց է ի Տեսչէն յանձնեալ տումարի և ի պահանջել հարկին մասն առ մասն տալոց է աւանդողաց:

16. Ի ձեռն ծառայից աշակերտեալք չունին բնաւ իրաւունս առանց գիտութեան վերակացուի գնել ի շուկայէ իրինչ, Արգելեալ է նոյնպէս տուր և առս առնել ընդ միմեանս:

17. Ընդ ձեռն Տեսչի միայն թոյլատրի աշակերտելոց տալ բերել մանկավարժական պարբերական հրատարակութիւնս:

18. Մէն մի ուսանող և աշակերտ պարտ է խղճի մտօք ուսանել զգաս իւր, վասն գրաւոր և բանաւոր աշխատութեանց իւրոց ի գործ արկանելով այնչափ ժամ և ժամանակ՝ ցորչափ մարթ է ին-

քեան կանոնաւորապէս ուսանել զիւրն դաս և զհետ լինել գրաւոր աշխատութեանց:

19. Որք յառաջագէմքն են յուսմունս, պարտին օգնել թոյլ և անզօր դասընկերաց իւրեանց, ցուցանելով նոցա զգիւրին միջոցս յառաջագիմութեան և զեղանակ պատրաստելոյ զգասս: Իսկ զգրաւոր աշխատութիւն ուսմամբ տկարացն այնոցիկ սրբագրել կամ զիւրն արտագրել տալ, արգելեալ է գլխովին:

20. Ի սկզբան և յետ աւարտման դասուց ասեն զաղօթս սահմանեալս, որոց պարտին աշակերտեալք երկիւղածութեամբ լսել յոտնկայս և ապա նստել կամ ելանել ի դասարանէ և ի լսարանէ:

Մանկ-Երեւ. Առաջին աղօթք է «Ամենաբարի Աստուած», իսկ երկրորդն «Գոհանամք զԳէն Արարիչ»:

21. Ի ժամ դասուց աշակերտեալք

պարտին նստել ուղիղ և անշեղ ի թի-
կանց կուսէ յենլով ի նստարանս:

22. Ի մտանէլն ուսուցչի ի դասարան և
ի լսարան աշակերտեալք կանգնին յոտին
առանց աղմկի և հրամանաւ նորին նստին:

23. Որք չեն ուսեալ զդասս, նախ
քան զսկզբնաւորութիւն դասուց յայտնել
պարտին ուսուցչի, ծանուցանելով միան-
գամայն զառիթ զանցառութեան իւրեանց:

Ծանուցանելիւն. Զդասս, զորս չէին ու-
սեալ, պարտին աշակերտեալք պատ-
րաստել անթերի և համարս տալ միւս
անգամ:

24. Ի ժամ դասուց աշակերտեալք
պարտին լռութեամբ ուշադիր լինել ու-
սուցչի և պատասխանեաց ընկերի իւ-
րեանց: Տալ պատասխանի ի տեղի ընկերի
կամ շփոթել զուսուցիչն աւելորդ բա-
նիւք կամ հարցմամբք, արգելեալ է
խսպառ:

Ծանուցանելիւն. Ի ժամ դասու մարմէ
գիմել առ ուսուցիչն կարեւոր հարցիւ՝
հրամանաւ նորին:

25. Որպէս ի պատմելն զդասս, այս-
պէս և ի գիմելն առ ուսուցիչն հարցիւ,
աշակերտեալք պարտին յոտին կանգնել:

26. Եթէ չիցէ աւարտեալ դասն աշա-
կերտեալք ոչ ունին բնաւ իրաւունս
ելանելոյ ի դասարանէ և ի լսարանէ, բաց
ի կարի և ի ստիպողական հարկէ, և
այն ևս լինելոց է թոյլտուութեամբ ու-
սուցչին:

27. Աշակերտեալք պարտին ունել ի
ձեռս իւրեանց տետրակ ինչ փոքրիկ յի-
շողութեան, որոյ յառաջնում երեսի
գրեալ լինելոց է դասացուցակ շաբաթա-
կան հանդերձ համառօտ և ամփոփ բո-
վանդակութեամբ իւրաքանչիւր դասուց:

28. Յետ աւարտման դասուց պարտին
աշակերտեալք մնալ անշարժ ի տեղիս

իւրեանց, մինչև աւարտեսցէ ուսուցիչն զդաս իւր: Յետ ելանելոյ ուսուցչին ի դասարանէ կամ ի լսարանէ, իւրաքանչիւր ոք ժողովելոց է զդասական պիտոյս իւր յարկել և ապա մեկնելոց է անտի:

Ծանօթութիւն. Աշակերտեալք ինքեանք իսկ պարտին հսկել ի վերայ դասական պիտոյից իւրեանց:

29. Յիւրաքանչիւր դասարանս և ի լսարանս որոշմամբ Տեսչի կարգին օրապահ:

30. Օրապահաց պարտք են հսկել մաքրութեան դասարանաց և լսարանաց. ջանդ անպակաս պահել ի դասարանի զկաւիճ և զսրբիչ, զգրիչ և զկաղամար ուսուցչական սեղանոյ, զքարտէզս և զպատկերս վերաբերեալս առւրն դասուց:

Ծանօթութիւն. Զպակասութեանց ինչ ինչ իրաց պարտին օրապահք կանխաւ յայտնել հերթակալ վերակացուի:

31. Զկնի աւարտման դասուց յետ ելանելոյ աշակերտաց ի դասարանէ՝ օրապահք աշարջութեամբ զննեն զմէն մի նստարան, և եթէ գտցեն ինչ անդէն մնացեալ՝ յանձնեսցեն ըստ պատկանելոյն:

32. Օրապահք ասն զաղօթս սկսման դասուց և դասաւարտման:

33. Ի դասամիջոցի օրապահք տանին պահել զամենայն ուսումնական պիտոյս և հոգան զպիտոյից հետեւեալ դասուց, զմաքրութենէ և զօգտափոխութենէ դասարանաց և լսարանաց:

34. Յաշակերտելոց, եթէ տկարանայցէ ոք, պարտի դիմել անմիջապէս առ հերթակալ վերակացուն. յորմէ և ստանալով տոմսակ՝ գնայ ի հիւանդանոց, և յանձնելով զայն հիւանդապահին՝ մնայ անդ մինչ ցապաքինումն:

35. Յետ առողջանալոյ հիւանդին՝ բժիշկն տայ հրաման ելանելոյ ի հիւան-

գանոցէ առանձին տոմսակաւ: Զայս տոմսակ պարտէ առողջացեալն յանձնել հերթակալ վերակացուին և ստանալ ի նմանէ իրաւունս վասն մտանելոյ ի դասարան կամ ի լսարան:

Մանօթիւն. Առանց թոյլտուութեան հերթակալ վերակացուի առողջքն ոչ ունին իրաւունս մտանելոյ ի հիւանդանոց և տեսակցելոյ ընդ հիւանդ ընկերս իւրեանց, եթէ ոչ ունիցին ի ձեռին զտոմսակ հերթակալ վերակացուի:

36. Սարգ օրական պարապմանց և բաժանումն ժամանակի լինելոց է այսպէս.

Ա. Գիշերապահք հարկանեն զզանգակ ի 5¹/₂ ժամու առաւօտեան. ի հնչել զանգակի աշակերտեալք պարտին առանց յապաղանաց զարթնուլ և յառնել ի տեղւոջէ, լուութեամբ և պարկեշտութեամբ զգենուլ զհանդերձս, լուանալ զերեսս և յարդարել զանկողինս իւրեանց:

Բ. Ի 6 ըորդ ժամու ի ձայն զանգակէ ժողովել պարտին աշակերտեալք ի ներքին սրահ ձեմարանի զառաջեաւ ունելով զերգիչս. ապա զոյգ զոյգ ելանեն ի վերին սրահ ձեմարանի առաջնորդութեամբ վերակացուաց, ուր և ամենեքին՝ զերեսս իւրեանց ուղղեալ ընդ արեւելս՝ պատկանանօք և երկիւղածութեամբ անն զայս աղօթս առաւօտու:

Հայր մեր որ յերկինս . . .

Տէր եթէ զշրթունս . . .

Լոյս արարիչ լուսոյ (աձ. բձ. գձ. գձ. յաւուրս)

Անեղանելիդ Աստուած (ակ. բկ. գկ. գկ. յաւուրս)

Զառաւօտու աղօթս . . .

Օրհնեսցուք զՏէր յամենայն ժամ

Գ. Յետ առաւօտեան աղօթից կար-

գաւ և լուծեամբ իջանեն ի սեղանա-
տուն և ըմպեն զթէյ:

Ծանօթութիւն. Թէյն պատրաստի յա-
ռանձին սենեկի և մատակարարի աշա-
կերտելոց ի ձեռն օրապահ մատակարա-
րաց, զորս ցուցակաւ կարգէ Տեսուչն:
Մէն մի աշակերտ պարտի ըմպել բա-
ժակ մի և եթ:

Դ. Ի սեղանատանէ նախ կարգաւ ելա-
նեն ուսանողք և գնան ուղղակի ի լսա-
րանս իւրեանց առ ի կատարելոյ զսերտո-
ղութիւն. յետ նոցա գնան և աշակերտք
ի սերտարանս, որք և դաս առ դաս բաղ-
մելով յիւրեանց տեղւոյ կատարեն նոյն-
պէս զսերտողութիւն, որ տեւելոց է մին-
չև ց՝ 1/2 ժամ:

Ե. Ի ձայն զանգակի աւարտի սերտո-
ղութիւնն, և իւրաքանչիւր որ պարտի
ընդ իւր առնուլ զդասական պիտոյս իւր
և զգրեան վերաբերեալս առաջին երկց

դասուց աւուրն և ցաւ յաւանդարան-
րան և զետեղել զպարտեալ յաւանդար-
ան գնալ ի պարտեղ վասն զբռնելոյ, եթէ օդն
չէ խառնակ:

Զ. ՅՑ-րորդ ժամէ պակաս 5 ըրպէիւ
ի ձայն զանգակի առանց աղմկի և շփո-
թութեան ժողովելոց են ամենեքին ի դա-
սարանս և ի լսարանս, ուր և լուծեամբ
սպասելոց են գալստեան ուսուցչի:

Ծանօթութիւն. Ի բացակայութեան ու-
սուցչի աշակերտեալք դարձեալ մնալոց
են ի դասարանս և ի լսարանս իւրեանց,
և լուծեամբ և հանդարտութեամբ
պարտին աշխատել կամ գրութեամբ և
կամ ընթերցանութեամբ:

Է. Տեղողութիւն առաջին դասուն լի-
նելոց է 18 ժամէ մինչ ց 8 Ժ. 55 ր.
վասն հանգստեան՝ 10 ըրպէ. 19-րորդ
ժամու և ի 5 ըրորդ ըրպէի սկսանի
դասն երկրորդ:

Ը. Տևողութիւն երկրորդ դասուն լինելոց է ց10 ժամ. հանգիստն 10 րոպէ. ի 10 րորդ ժամու և ի 10-րորդ րոպէի սկսանի երրորդ դասն, որ տևելոց է ց11 ժամ և ց5 րոպէ:

Թ. Յետ աւարտման երրորդ դասու աշակերտեալք պարտին ժողովել զդասական պիտոյս իւրեանց և զգրեան և տանել ի սերտարան և զետեղել յարկեղս. յետ այնորիկ ամենեքին ագանելով զվերարկու և զգլխարկ՝ եթէ օրն խոնաւ իցէ և տիղմ՝ և զկրկնակօշիկ՝ ի ձայն զանգակի առաջնորդութեամբ հերթակալ վերակացուաց ի 11 ժամու ի 15 րոպէի կարգաւ գնան ի սեղանատուն և ուտեն զճաշ:

Մանուկներն ի ժամ ճաշու ոմանք ի մեծագունից աշակերտելոց կարգադրութեամբ Տեսչի հերթակալական կարգաւ ի լուր ամենեցուն ընթեռնուն ճառ:

Ժ Յետ ճաշու ազատք են աշակերտք

ց1 ժամ և ց45 ր. ուստի և կարեն զբօսնուլ և խաղալ կամ ի պարտիզի և կամ ի գաւթի, եթէ եղանակն չէ կառնակ. իսկ ի խառնակ աւուրս պարտին մնալ ի ներքին սրահի և ըստ կամեցողութեան մտանել ի սերտարան և ի լսարան, միայն թէ աշխատիցեն լուրթեամբ:

ԺԱ. Յառաջնում ժամու ի 45 րոպէի ի հնչել զանգակի աշակերտք ընդ փոյթ մտանեն ի սերտարան, առնուն ընդ ինքեանս զդասական պիտոյս և զգրեան վերաբերեալս վերջին երկուց դասուց և ապա իջանեն ի դասարանս:

ԺԲ. Յերկրորդում ժամու սկսանի դասն չորրորդ, որ տևելոց է ց2-րդ ժամ և ց55 րոպէ. հանգիստն 10 րոպէ. Յերրորդում ժամու ի 5 րոպէի սկսանի դասն հինգերորդ, որ լրանայ ի 4-րորդ ժամու:

ԺԳ. Յետ աւարտման դասուցն աշակերտք դարձեալ առնելով ընդ իւրեանս

զգասական պիտո՛յս և զգրեան տանին ի սերտարան և ապա գան և զբօսնուն մինչ ց 5-րորդ ժամ:

Ծանօթութիւն. Ի 4-րորդ ժամու և ի 15 ըոպէի հարկանի զանգակ և հերթակալք պարտին գնալ յեկեղեցի:

ԺԴ. Ի 5-երորդ ժամու հարկանի զանգակ, աշակերտեալք գնան ի սեղանատուն վասն ընթրելոյ նովին կարգաւ, որպէս ի ժամ ճաշու:

ԺԵ. Յետ ընթրեացն լինի հանգիստ մինչեւ ց 7-րորդ ժամ, իսկ 7-րորդ ժամէ ց 9-րորդ ժամ լինելոց է սերտողութիւն:

Ծանօթութիւն. Ի ժամ հանգստեան երեկոյի արգելեալէ աշակերտելոց զբօսնուլ ի պարտիզի:

ԺԶ. 7 9-րորդ ժամու 7 30 ըոպէի ի հնչել զանգակի աշակերտեալք գան կատարել զաղօթս երեկոյին, որ է՝

Հայր մեր
Զհանգստեան զաղօթս
Փառք քեզ Տէր Աստուած մեր...
Հրեշտակ զուարթուն...
Ողորմութիւն քո Տէր, զհետ մեր..

ԺԷ. Յետ աղօթիցն աշակերտեալք կարգաւ և լուծեամբ գնան ի ննջարան և պարկեշտութեամբ մերկանան զհանդերձս և ի քուն լինին:

Ծանօթութիւն. Այս կարգ բաժանման ժամանակի սուղ ինչ զանազանութեամբ անխախտ պահի ի տօն և ի կիւրակէ աւուրս. զի յաւուրս յայտոսիկ՝ Ա. պարտին աշակերտեալք քան զսովորականն կարգ յառնել վաղքաջ և գնալ յեկեղեցի, Բ. ի նախընթաց և ի նմին երեկոյի ժամ մի առաջ գնան ննջել և Գ. ի նախընթաց երեկոյի չիք սերտողութիւն:





20532

2013

ՀՀ Ազգային գրադարան



NL0055591

